

- T15n0642_p0629b10(00) || No. 642
- T15n0642_p0629b11(00) || 佛說首楞嚴三昧經卷上
- T15n0642_p0629b12(00) ||
- T15n0642_p0629b13(00) || 後秦龜茲國三藏鳩摩羅什譯
- T15n0642_p0633c12(10) || 於時眾中有大梵王名曰成慈。白佛言。世尊。
- T15n0642_p0633c13(09) || 若菩薩欲行一切諸凡夫行。當學首楞嚴三昧。何以故。
- T15n0642_p0633c14(04) || 是菩薩現行一切諸凡夫行。而心無有貪恚癡行。
- T15n0642_p0633c15(01) || 佛言。善哉善哉。成慈。如汝所說。
- T15n0642_p0633c16(05) || 若菩薩欲行一切諸凡夫行。當學首楞嚴三昧。
- T15n0642_p0633c17(04) || 不念一切諸所學故。堅意菩薩白佛言。世尊。
- T15n0642_p0633c18(03) || 菩薩欲學首楞嚴三昧。當云何學。佛告堅意。
- T15n0642_p0633c19(02) || 譬如學射先射大準。射大準已學射小準。
- T15n0642_p0633c20(01) || 射小準已次學射的。學射的已次學射杖。
- T15n0642_p0633c21(02) || 學射杖已學射百毛。射百毛已學射十毛。
- T15n0642_p0633c22(03) || 射十毛已學射一毛。射一毛已學射百分毛之一分。
- T15n0642_p0633c23(00) || 能射是已名為善射。隨意不空¹。
- T15n0642_p0633c24(05) ||
- T15n0642_p0633c25(23) || 是人若欲於夜闇中所聞音聲若人非人不用心力射之皆著。如是堅意。菩薩欲學首楞嚴三昧。
- T15n0642_p0633c26(02) || 先當學愛樂心。學愛樂心已當學深心。
- T15n0642_p0633c27(04) || 學深心已當學大慈。學大慈已當學大悲。
- T15n0642_p0633c28(05) || 學大悲已當學四聖梵行。所謂慈悲喜捨。
- T15n0642_p0633c29(05) || 學四聖梵行已。當學報得最上五通²常自隨身。學是通已。

¹ 《摩訶止觀·卷一》：「名字即者。理雖即是日用不知。以未聞三諦全不識佛法。如牛羊眼不解方隅。或從知識或從經卷。聞上所說一實菩提。於名字中通達解了。知一切法皆是佛法。是為名字即菩提。亦是名字止觀。若未聞時處處馳求。既得聞已。攀覓心息名止。但信法性不信其諸名為觀。觀行即是者。若但聞名口說。如蟲食木偶得成字。是蟲不知是字非字。既不通達寧是菩提。必須心觀明了理慧相應。所行如所言。所言如所行。華首云。言說多不行我不以言說。但心行菩提。此心口相應是觀行菩提。釋論四句評聞慧具足。如眼得日照了無僻。觀行亦如是。雖未契理觀心不息。如首楞嚴中射的喻。是名觀行菩提。亦名觀行止觀。恒作此想名觀。餘想息名止(云云)。相似即是菩提者。以其逾觀逾明逾止逾寂。如勤射鄰的名相似觀慧。一切世間治生產業不相違背。所有思想籌量皆是先佛經中所說。如六根清淨中說。圓伏無明名止。似中道慧名觀(云云)。」

² 【大品般若經】菩薩摩訶薩欲住六神通，當學般若波羅蜜。

【大智度論】

問曰：如〈讚菩薩品〉中言「諸菩薩皆得五神通」，今何以言「欲住六神通」？

(註：六神通：神足通、天耳通、他心通、宿命通、天眼通、漏盡通。參見《長阿含經》卷9(大正1, 54b9-11)。

答曰：五通是菩薩所得，今欲住六神通是佛所得；若菩薩得六神通，可如來難！

問曰：〈往生品〉中說「菩薩住六神通至諸佛國」，云何言「菩薩皆得五通」？

答曰：習不盡故言「得五通」，漏盡故言「住六神通」

- T15n0642_p0634a01(00) || 爾時便能成就六波羅蜜。成就六波羅蜜已。
- T15n0642_p0634a02(00) || 便能通達方便。
- T15n0642_p0634a03(11) || 通達方便已得住第三柔順忍。住第三柔順忍已得無生法忍。
- T15n0642_p0634a04(04) || 得無生法忍已諸佛授記。
- T15n0642_p0634a05(11) || 諸佛授記已能入第八菩薩地。入第八菩薩地已得諸佛現前三昧。
- T15n0642_p0634a06(02) || 得諸佛現前三昧已常不離見諸佛。
- T15n0642_p0634a07(05) || 常不離見諸佛已能具足一切佛法因緣。
- T15n0642_p0634a08(06) || 具足一切佛法因緣已能起莊嚴佛土功德。
- T15n0642_p0634a09(06) || 能起莊嚴佛土功德已。能具生家種姓。
- T15n0642_p0634a10(06) || 能具生家種姓已。入胎出生。入胎出生已能具十地。
- T15n0642_p0634a11(02) || 具十地已。爾時便得受佛職號。
- T15n0642_p0634a12(07) || 受佛職號已便得一切菩薩三昧。
- T15n0642_p0634a13(11) || 得一切菩薩三昧已然後乃得首楞嚴三昧。
- T15n0642_p0634a14(11) || 得首楞嚴三昧已能為眾生施作佛事。而亦不捨菩薩行法。堅意。
- T15n0642_p0634a15(03) || 菩薩若學如是諸法。則得首楞嚴三昧。
- T15n0642_p0634a16(05) || 菩薩已得首楞嚴三昧。則於諸法無所復學。何以故。
- T15n0642_p0634a17(02) || 先已善學一切法故。
- T15n0642_p0634a18(11) || 譬如學射能射一毛分不復學餘。所以者何。先已學故。如是堅意。
- T15n0642_p0634a19(02) || 菩薩住首楞嚴三昧。於一切法無所復學。
- T15n0642_p0634a20(03) || 一切三昧一切功德皆已學故

參考資料:

- (1) 《摩訶般若波羅蜜經》卷 1〈1 序品〉:「復有菩薩摩訶薩,皆得陀羅尼及諸三昧,行空、無相、無作,已得等忍,得無闕陀羅尼,悉是五通。」(大正 8, 217a13-15)
- (2) 《摩訶般若波羅蜜經》卷 1〈1 序品〉:「菩薩摩訶薩欲住六神通,當學般若波羅蜜。」(大正 8, 219a29-b1)
- (3) 《摩訶般若波羅蜜經》卷 2〈往生品〉:「復次,舍利弗!有菩薩摩訶薩得六神通,不生欲界、色界、無色界,從一佛國至一佛國,供養恭敬尊重讚歎諸佛。」(大正 8, 225c21-24)
- (4) 《大智度論》卷 38:「菩薩有二種:一者、生身菩薩,二者、法身菩薩;一者、斷結使,二者、不斷結使。法身菩薩斷結使,得六神通;生身菩薩不斷結使,或離欲得五神通。得六神通者,不生三界,遊諸世界,供養十方諸佛。」(大正 25, 342a22-26)
- (3) 《大智度論》卷 39:「是菩薩住六神通,到十方世界。」(大正 25, 344a3-4)